

কুরবানী সংক্রান্ত আলোচনা

কুরবানির পরিচয়:

আরবি করব বা কুরবান (قربان বা قرب) শব্দটি উর্দু ও ফার্সীতে (কুরবানী) কুরবানি নামে রূপান্তরিত। এর অর্থ হলো-নৈকট্য বা সান্নিধ্য, ত্যাগ, উৎসর্গ, বিসর্জন ইত্যাদি। কুরআনুল কারিমে কুরবানির একাধিক সমার্থক শব্দের ব্যবহার দেখা যায়।

অর্থে। আল্লাহ বলেন, فَصَلِّ لِرَبِّكَ وَانْحَرْ ‘সূতরাং আপনি আপনার প্রতিপালকের জন্য নামাজ এবং কুরবানি আদায় করুন। এ কারণে কুরবানির দিনকে النحر বলা হয়।

অর্থে। আল্লাহ বলেন, قُلْ إِنَّ صَلَاتِي وَنُسُكِي وَمَحْيَايَ وَمَمَاتِي لِلَّهِ رَبِّ الْعَالَمِينَ ‘আপনি বলুন, নিশ্চয় আমার নামাজ, আমার কুরবানি, আমার জীবন, আমার মৃত্যু; সবই বিশ্বজাহানের প্রতিপালক আল্লাহ তাআলার জন্য।’ (সূরা আনআ‘ম : আয়াত ১৬২)

অর্থে। আল্লাহ বলেন, لِكُلِّ أُمَّةٍ جَعَلْنَا مَنْسَكًا ‘আমি প্রত্যেক উম্মাতের জন্য কুরবানির বিধান রেখেছি।’ (সূরা হজ্জ : আয়াত ৩৪)।

অর্থে। হাদিসের ভাষায় অর্থে কুরবানির ঈদকে (عيد الاضحى) ‘ঈদ-উল-আজহা’ বলা হয়।

পরিভাষায়: একমাত্র আল্লাহর সন্তুষ্টি ও নৈকট্যলাভের উদ্দেশ্যে নির্দিষ্ট দিনে, নির্দিষ্ট সময়ে, নির্দিষ্ট ব্যক্তির পক্ষ থেকে নির্দিষ্ট পশু যবেহ করাকে উযহিয়া বা কুরবানি বলে।

কুরবানির গুরুত্ব ও ফজিলত

কুরবানির গুরুত্ব ও ফজিলত সম্পর্কে মহান আল্লাহ তায়ালা পবিত্র কুরআনে ইরশাদ করেছেন:

وَلِكُلِّ أُمَّةٍ جَعَلْنَا مَنْسَكًا لِّيَذْكُرُوا اسْمَ اللَّهِ عَلَىٰ مَا رَزَقَهُمْ مِّنْ بَهِيمَةٍ الْأَنْعَامِ ۖ فَالْهُكْمُ إِلَهُ وَاحِدٌ فَلَهُ أَسْلِمُوا وَبَشِّرِ-
الْمُخْبِتِينَ ۚ

‘আমি প্রত্যেক উম্মাতের জন্য কোরবানি নির্ধারণ করেছি যাতে তারা হালাল পশু জবেহ করার সময় আল্লাহর নাম উচ্চারণ করে। (সূরা হজ-৩৪)।

মহান আল্লাহ তায়ালা ইরশাদ করেছেন:

لَنْ يَنَالَ اللَّهُ لُحُومُهَا وَلَا دِمَاؤُهَا وَلَكِنْ يَنَالُهُ التَّقْوَىٰ مِنْكُمْ ۚ كَذَٰلِكَ سَخَّرَهَا لَكُمْ لِتُكَبِّرُوا اللَّهَ عَلَىٰ مَا هَدَاكُمْ ۚ
وَبَشِّرِ الْمُحْسِنِينَ

‘নিশ্চই আমার নিকট কোরবানির পশুর গোশত ও রক্ত কিছুই কবুল হয় না, তবে আমার নিকট পৌঁছে একমাত্র তাকওয়া। (সূরা হজ-৩৭)

হযরত আয়েশা (রা.) বলেন, হযরত রাসূলুল্লাহ (সা.) ইরশাদ করেছেন, ‘কোরবানির দিন কোরবানির চেয়ে উত্তম কোনো আমল আল্লাহর কাছে নেই।’

হযরত যায়দ বিন আরকাম রা. থেকে বর্ণিত তিনি বলেন, রাসূলুল্লাহ (সা.) এর সাহাবিগণ বললেন, ইয়া রাসূলুল্লাহ! এই কোরবানী কী? তিনি বলেন, তোমাদের পিতা ইব্রাহিম আ. এর সূনত। তারা পুনরায় জিজ্ঞাসা করেন, হে আল্লাহর

রাসূল! এতে আমাদের জন্য কী (সওয়াব) রয়েছে? তিনি বলেন, প্রতিটি পশমের বিনিময় নেকি হবে। সাহাবাগণ বললেন, দুম্বা ও ভেড়ার পশমের কী হুকুম? তিনি বলেন, দুম্বা ও ভেড়ার প্রতিটি পশমের বিনিময়েও একটি করে নেকী রয়েছে। (সুনানে ইবনে মাজাহ-৩১২৭)

হজরত আবু হুরায়রা (রা.) থেকে বর্ণিত, হজরত রাসূলুল্লাহ (সা.) বলেছেন, ‘যে ব্যক্তি সামর্থ্য থাকা সত্ত্বেও কুরবানি করে না, সে যেন আমাদের ঈদগাহের কাছে না আসে’। (ইবনে মাজাহ-৩১২৩)।

কুরবানির প্রকারভেদ :

কুরবানী মূলত দুই প্রকার:

(১) ওয়াজিব কুরবানী।

(২) নফল কুরবানী।

** অতঃপর ওয়াজিব আবার চার প্রকার। যথা:-

(১) মান্নতের কুরবানী অর্থাৎ কেউ কুরবানীর মান্নত করলে সে ধনী হোক বা গরীব তার পক্ষে কুরবানী দেওয়া ওয়াজিব।

(২) ওসিয়তকৃত কুরবানী অর্থাৎ কোন মৃত ব্যক্তি ওসিয়ত করে গেলে এবং সেই পরিমাণ সম্পদ রেখে গেলে ওয়ারিশ এর পক্ষে সেই কুরবানী আদায় করা ওয়াজিব।

(৩) কোন গরীব লোক কুরবানীর নিয়তে কোনো পশু ক্রয় করলে তার পক্ষে তা কুরবানী দেওয়া ওয়াজিব।

(৪) মুসলমান নারী বা পুরুষ প্রাপ্তবয়স্ক ও সুস্থ মস্তিষ্কের অধিকারী হয়ে নেসাবের মালিক হলে এবং মুসাফির না হলে তার পক্ষে এক অংশ কুরবানী দেওয়া ওয়াজিব। এই ওয়াজিব চার প্রকারের বাইরে যত কুরবানী হবে সবই মুস্তাহাব।
নোট:- মান্নত ও ওছিয়াতকৃত কুরবানীর গোশত গরীব মিসকিনদের বন্টন করে দিয়ে দিতে হবে। এছাড়া অন্যান্য কুরবানীর গোশত নিজে এবং আত্মীয়-স্বজন সবাই খেতে পারবে।

কুরবানী কার উপর ওয়াজিব:

কুরবানী ওয়াজিব হওয়ার জন্য শর্ত ৬টি: ১. মুসলিম হতে হবে। ২. স্বাধীন হওয়া। ৩. স্থায়ী অধিবাসী হওয়া। ৪. জ্ঞান সম্পন্ন হওয়া। ৫. প্রাপ্তবয়স্ক হওয়া। ৬. নেসাব পরিমাণ সম্পদের মালিক হওয়া। অর্থাৎ, যে ১০ ঘিলহজ্জ ফজর থেকে ১২ ঘিলহজ্জ সূর্যাস্ত পর্যন্ত সময়ের মধ্যে প্রয়োজনের অতিরিক্ত নেসাব পরিমাণ সম্পদের মালিক হবে তার উপর কুরবানী করা ওয়াজিব। টাকা-পয়সা, সোনা-রূপা, অলঙ্কার, বসবাস ও খোরাকির প্রয়োজন আসে না এমন জমি, প্রয়োজন অতিরিক্ত বাড়ি, ব্যবসায়িক পণ্য ও অপ্রয়োজনীয় সকল আসবাবপত্র কুরবানীর নেসাবের ক্ষেত্রে হিসাবযোগ্য।

আর নিসাব হল স্বর্ণের ক্ষেত্রে সাড়ে সাত (৭.৫) ভরি, রূপার ক্ষেত্রে সাড়ে বায়ান্ন (৫২.৫) ভরি, টাকা-পয়সা ও অন্যান্য বস্তুর ক্ষেত্রে নিসাব হল এর মূল্য সাড়ে বায়ান্ন তোলা রূপার মূল্যের সমপরিমাণ হওয়া। আর সোনা বা রূপা কিংবা টাকা-পয়সা এগুলোর কোনো একটি যদি পৃথকভাবে নেসাব পরিমাণ না থাকে কিন্তু প্রয়োজন অতিরিক্ত একাধিক বস্তু মিলে সাড়ে বায়ান্ন তোলা রূপার মূল্যের সমপরিমাণ হয়ে যায় তাহলেও তার উপর কুরবানী করা ওয়াজিব।—(আলমুহীতুল বুরহানী ৮/৪৫৫; ফাতাওয়া তাতারখানিয়া ১৭/৪০৫)

নেসাবের পার্থক্য:

যাকাতের নেসাব যা, কুরবানির নেসাবও তা। তবে কুরবানির নেসাবের ক্ষেত্রে একটু অতিরিক্ত বিষয় রয়েছে। তা হলো- অত্যাবশ্যকীয় আসবাবপত্র ব্যতীত অন্যান্য অতিরিক্ত আসবাবপত্র, সৌখিন মালপত্র, খোরাকি বাদে অতিরিক্ত জায়গা-জমি, খালিঘর বা ভাড়া ঘর (যার ভাড়ার ওপর জীবিকা নির্ভরশীল নয়) এসব কিছু মূল্য কুরবানির নেসাবের মধ্যে অন্তর্ভুক্ত হবে। (ফতোয়ায়ে হিন্দিয়া-৫/২৯২)।

যাকাত ও কুরবানির নেসাবের সময়সীমা নিয়েও পার্থক্য রয়েছে। আর তা হলো-যাকাতের নেসাব পূর্ণ এক বছর ঘুরে আসা শর্ত; কিন্তু কুরবানির নেসাব পূর্ণ এক বছর ঘুরে আসা শর্ত নয়। কেবল জিলহজ মাসের ১০, ১১, ১২ এই তিন দিনের যে কোনো একদিন নেসাব পরিমাণ সম্পদের মালিক হলেই কুরবানি ওয়াজিব হবে। (ফতোয়ায়ে শামি)।

কুরবানীর মেয়াদকাল ও কুরবানী করার উত্তম সময়:

কুরবানী নির্দিষ্ট সময়ের সাথে সম্পর্কিত একটি ইবাদত। এ সময়ের পূর্বে যেমন কুরবানী আদায় হবে না তেমনি পরে করলেও আদায় হবে না। কুরবানীর সময়কাল মাত্র তিনদিন। এ দিনগুলো হলো- ১০, ১১ ও ১২ই যিলহজ্জ। উক্ত দিনগুলোর মধ্যে প্রথম দিন অর্থাৎ ১০ই যিলহজ্জ কুরবানী করা অধিক উত্তম। এরপর দ্বিতীয় দিন, এরপর তৃতীয় দিন। তবে এই তিন দিনের যে দিন ইচ্ছা কুরবানী করা যাবে। অতএব কোন কারণ ব্যতীত বিলম্ব না করা উত্তম। কুরবানীর তিনদিনের মধ্যে যে দুটি রাত অন্তর্ভুক্ত, সেই দুই রাতে অর্থাৎ ১০ ও ১১ তারিখ দিবাগত রাতেও কুরবানী করা জাযিয়। তবে দিনে কুরবানী করাই ভালো। রাতের বেলা জবাই করতে আলো স্বল্পতার দরুণ জবাইয়ে ত্রুটি হতে পারে বিধায় রাতে জবাই করা অনুত্তম। তবে পর্যাাপ্ত আলোর ব্যবস্থা থাকলে কোনো অসুবিধা নেই। কুরবানীদাতা এক স্থানে আর কুরবানীর পশু ভিন্ন স্থানে থাকলে কুরবানীদাতার ঈদের নামায পড়া বা না পড়া ধর্তব্য নয়; বরং পশু যে এলাকায় আছে ওই এলাকায় ঈদের জামাআত হয়ে গেলে পশু জবাই করা যাবে।

যেসব এলাকার লোকদের উপর ঈদের নামায ওয়াজিব তাদের জন্য প্রথম দিন ১০ই যিলহজ্জ ঈদের নামাযের আগে কুরবানী করা জাযেয নয়। অবশ্য বৃষ্টিবাদল বা অন্য কোনো ওজরে যদি প্রথম দিন ঈদের নামায পড়া না হয় তাহলে ঈদের নামাযের সময় অতিক্রান্ত হওয়ার পর প্রথম দিনেও কুরবানী করা জাযিয়। প্রথম দিন কখন থেকে কুরবানী করা যাবে এ বিষয়ে সহীহ বুখারী ও মুসলিম উভয় কিতাবে হযরত বারা বিন আযিব (রা.) থেকে বর্ণিত হাদীসে উল্লেখ আছে নবী করীম সাল্লাল্লাহু আলাইহি ওয়াসাল্লাম বলেন,

مَنْ ذَبَحَ قَبْلَ الصَّلَاةِ فَإِنَّمَا يَذْبَحُ لِنَفْسِهِ وَمَنْ ذَبَحَ بَعْدَ الصَّلَاةِ فَقَدْ تَمَّ نُسْكُهُ وَأَصَابَ سُنَّةَ الْمُسْلِمِينَ

-যে ব্যক্তি ঈদের নামাযের পূর্বে কুরবানীর পশু জবাই করবে সেটা তার নিজের জন্য সাধারণ জবাই হবে। আর যে নামায ও খুতবার পর জবাই করবে তার কুরবানী পূর্ণ হবে এবং সে-ই মুসলমানদের রীতি অনুসরণ করেছে। (সহীহ বুখারী-৫৫৫৬)

কেউ যদি কুরবানীর দিনগুলোতে ওয়াজিব কুরবানী দিতে না পারে তাহলে কুরবানীর পশু ক্রয় না করে থাকলে তার উপর কুরবানীর উপযুক্ত একটি ছাগলের মূল্য সাদকাহ করা ওয়াজিব। আর যদি পশু ক্রয় করে ছিল, কিন্তু কোনো কারণে কুরবানী দেওয়া হয়নি তাহলে ঐ পশু জীবিত সাদকাহ করে দিতে হবে। তবে যদি (সময়ের পরে) জবাই করে ফেলে তাহলে পুরো গোশত সাদকাহ করে দিতে হবে। (বাদায়েউস সানায়ে ৪/২০৪, ফাতাওয়া কাযীখান ৩/৩৪৫)

কুরবানীর পশুর বিবরণ:

উট, গরু, মহিষ, ছাগল, ভেড়া ও দুগ্ধ দ্বারা কুরবানী করা জায়েয। এসব গৃহপালিত পশু ছাড়া অন্যান্য পশু যেমন হরিণ, বন্যগরু ইত্যাদি দ্বারা কুরবানী করা জায়েয নয়। (কাযীখান ৩/৩৪৮, বাদায়েউস সানায়ে ৪/২০৫)

উট কমপক্ষে ৫ বছরের হতে হবে। গরু ও মহিষ কমপক্ষে ২ বছরের হতে হবে। আর ছাগল, ভেড়া ও দুগ্ধ কমপক্ষে ১ বছরের হতে হবে। তবে ভেড়া ও দুগ্ধ যদি ১ বছরের কিছু কমও হয়, কিন্তু এমন হুষ্টপুষ্ট হয় যে, দেখতে ১ বছরের মতো মনে হয় তাহলে তা দ্বারাও কুরবানী করা জায়েয। অবশ্য এক্ষেত্রে কমপক্ষে ৬ মাস বয়সের হতে হবে।

উল্লেখ্য, ছাগলের বয়স ১ বছরের কম হলে কোনো অবস্থাতেই তা দ্বারা কুরবানী জায়েয হবে না। (কাযীখান ৩/৩৪৮, বাদায়েউস সানায়ে ৪/২০৫-২০৬)

মাসআলা: যে পশু তিন পায়ে চলে, এক পা মাটিতে রাখতে পারে না বা ভর করতে পারে না এমন পশুর কুরবানী জায়েয নয়। (জামে তিরমিযী ১/২৭৫, সুনানে আবু দাউদ ৩৮৭, বাদায়েউস সানায়ে ৪/২১৪, রদ্বুল মুহতার ৬/৩২৩, আলমগীরী ৫/২৯৭)

মাসআলা : এমন শুকনো দুর্বল পশু, যা জবাইয়ের স্থান পর্যন্ত হেঁটে যেতে পারে না তা দ্বারা কুরবানী করা জায়েয নয়। (জামে তিরমিযী ১/২৭৫, আলমগীরী ৫/২৯৭, বাদায়েউস সানায়ে ৪/২১৪)

মাসআলা : যে পশুর একটি দাঁতও নেই বা এত বেশি দাঁত পড়ে গেছে যে, ঘাস বা খাদ্য চিবাতে পারে না এমন পশু দ্বারাও কুরবানী করা জায়েয নয়। (বাদায়েউস সানায়ে ৪/২১৫, আলমগীরী ৫/২৯৮)

মাসআলা : যে পশুর শিং একেবারে গোড়া থেকে ভেঙ্গে গেছে, যে কারণে মস্তিষ্ক ক্ষতিগ্রস্ত হয়েছে সে পশুর কুরবানী জায়েয নয়। পক্ষান্তরে যে পশুর অর্ধেক শিং বা কিছু শিং ফেটে বা ভেঙ্গে গেছে বা শিং একেবারে উঠেইনি সে পশু কুরবানী করা জায়েয। (জামে তিরমিযী ১/২৭৬, সুনানে আবু দাউদ ৩৮৮, বাদায়েউস সানায়ে ৪/২১৬, রদ্বুল মুহতার ৬/৩২৪, আলমগীরী ৫/২৯৭)

মাসআলা : যে পশুর লেজ বা কোনো কান অর্ধেক বা তারও বেশি কাটা সে পশুর কুরবানী জায়েয নয়। আর যদি অর্ধেকের বেশি থাকে তাহলে তার কুরবানী জায়েয। তবে জন্মগতভাবেই যদি কান ছোট হয় তাহলে অসুবিধা নেই। (জামে তিরমিযী ১/২৭৫, মুসনাদে আহমদ ১/৬১০, ইলাউস সুনান ১৭/২৩৮, কাযীখান ৩/৩৫২, আলমগীরী ৫/২৯৭-২৯৮)

মাসআলা : যে পশুর দুটি চোখই অন্ধ বা এক চোখ পুরো নষ্ট সে পশু কুরবানী করা জায়েয নয়। (জামে তিরমিযী ১/২৭৫, কাযীখান ৩/৩৫২, আলমগীরী ২৯৭, বাদায়েউস সানায়ে ৪/২১৪)

মাসআলা : গর্ভবতী পশু কুরবানী করা জায়েয। জবাইয়ের পর যদি বাচ্চা জীবিত পাওয়া যায় তাহলে সেটাও জবাই করতে হবে। তবে প্রসবের সময় আসন্ন হলে সে পশু কুরবানী করা মাকরুহ। (কাযীখান ৩/৩৫০)

মাসআলা : কুরবানীর নিয়তে ভালো পশু কেনার পর যদি তাতে এমন কোনো দোষ দেখা দেয় যে কারণে কুরবানী জায়েয হয় না তাহলে ওই পশুর কুরবানী সহীহ হবে না। এর স্থলে আরেকটি পশু কুরবানী করতে হবে। তবে ক্রোতা গরীব হলে ক্রটিযুক্ত পশু দ্বারাই কুরবানী করতে পারবে। (খুলাসাতুল ফাতাওয়া ৪/৩১৯, বাদায়েউস সানায়ে ৪/২১৬, ফাতাওয়া নাওয়ায়েল ২৩৯, রদ্বুল মুহতার ৬/৩২৫)

মাসআলা : যদি বিক্রেতা কুরবানীর পশুর বয়স পূর্ণ হয়েছে বলে স্বীকার করে আর পশুর শরীরের অবস্থা দেখেও তাই মনে হয় তাহলে বিক্রেতার কথার উপর নির্ভর করে পশু কেনা এবং তা দ্বারা কুরবানী করা যাবে। (আহকামে ঈদুল আযহা, মুফতী মুহাম্মাদ শফী রহ. ৫)

মাসআলা : বন্ধ্যা পশুর কুরবানী জায়েয । (রদ্দুল মুহতার ৬/৩২৫)

মাসআলা : কুরবানীর পশু হারিয়ে যাওয়ার পরে যদি আরেকটি কেনা হয় এবং পরে হারানোটিও পাওয়া যায় তাহলে কুরবানীদাতা গরীব হলে (যার উপর কুরবানী ওয়াজিব নয়) দুটি পশুই কুরবানী করা ওয়াজিব । আর ধনী হলে কোনো একটি কুরবানী করলেই হবে । তবে দুটি কুরবানী করাই উত্তম । (সুনানে বাযহাকী ৫/২৪৪, ইলাউস সুনান ১৭/২৮০, বাদায়েউস সানায়ে ৪/১৯৯, কাযীখান ৩/৩৪৭)

মোট কথা, কুরবানীর পশু বড় ধরনের দোষত্রুটি থেকে মুক্ত হবে । যেমন হাদিসে এসেছে, ‘চার ধরনের পশু, যা দিয়ে কুরবানী জায়েজ হবে না । অন্ধ—যার অন্ধত্ব স্পষ্ট, রোগাক্রান্ত—যার রোগ স্পষ্ট, পঙ্গু—যার পঙ্গুত্ব স্পষ্ট ও আহত—যার কোনো অঙ্গ ভেঙে গেছে ।’ (ইবনে মাজাহ, হাদিস : ৩১৪৪)

যেসব ত্রুটি থাকলেও কোরবানি দেওয়া যাবে:

সেগুলো হচ্ছে : ১. পশু পাগল, তবে ঘাস-পানি ঠিকমতো খায়; ২. লেজ বা কানের কিছু অংশ কাটা, তবে বেশির ভাগ অংশ আছে; ৩. জন্মগতভাবে শিং নেই, ৪. শিং আছে, তবে ভাঙা; ৫. কান আছে, তবে ছোট; ৬. পশুর গায়ে চর্মরোগ, ৭. কিছু দাঁত নেই, তবে বেশির ভাগ আছে । স্বভাবগত এক অণুকোষবিশিষ্ট পশু; ৮. পশু বয়োবৃদ্ধ হওয়ার কারণে বাচ্চা জন্মদানে অক্ষম, ৯. পুরুষাঙ্গ কেটে যাওয়ার কারণে সঙ্গমে অক্ষম । তবে উত্তম হচ্ছে ত্রুটিমুক্ত পশু দিয়ে কোরবানি দেওয়া, ত্রুটিযুক্ত পশু দ্বারা কোরবানি দেওয়া অনুচিত ।

জবাইয়ের আগে কুরবানীর পশু থেকে উপকৃত হওয়ার বিধান:

কুরবানীর পশু কেনার পর বা নির্দিষ্ট করার পর তা থেকে উপকৃত হওয়া জায়েয নয় । যেমন হালচাষ করা, আরোহণ করা, পশম কাটা ইত্যাদি । সুতরাং কুরবানীর পশু দ্বারা এসব করা যাবে না । যদি করে তবে পশমের মূল্য, হালচাষের মূল্য ইত্যাদি সাদকাহ করে দিবে । কুরবানীর পশুর দুধ পান করা যাবে না । যদি জবাইয়ের সময় আসন্ন হয় আর দুধ দোহন না করলে পশুর কষ্ট হবে না বলে মনে হয় তাহলে দোহন করবে না । প্রয়োজনে ওলানে ঠান্ডা পানি ছিটিয়ে দেবে । এতে দুধের চাপ কমে যাবে । যদি দুধ দোহন করে ফেলে তাহলে তা সাদকাহ করে দিতে হবে । নিজে পান করে থাকলে মূল্য সাদকাহ করে দিবে ।

কুরবানীর পশু বাচ্চা দিলে ওই বাচ্চা জবাই না করে জীবিত সাদকাহ করে দেওয়া উত্তম । যদি সাদকাহ না করে তবে কুরবানীর পশুর সাথে বাচ্চাকেও জবাই করবে এবং গোশত সাদকাহ করে দিবে । কুরবানীর পশু বিক্রয় করা উচিত নয় । যদি কেউ বিক্রয় করে কম মূল্যে অন্য পশু খরিদ করে কুরবানী করে তবে বিক্রিত পশু থেকে যা লাভ আসবে তা সাদকাহ করে দিতে হবে ।

শরীকানা বা ভাগে কুরবানী কি জায়েয?

হ্যাঁ । শরীকানা বা ভাগে কুরবানী করা জায়েয এবং শরীয়ত সম্মত । সামর্থ্যবান, অসামর্থ্যবান সবার জন্য শরীকানা বা ভাগে কুরবানী দেয়া শরীয়ত সম্মত । তবে সামর্থ্যবান ব্যক্তির পক্ষে একা কোরবানি করা বিভিন্ন কারণে উত্তম । তবে শরীকে/ভাগে কুরবানীর বিধান উম্মতকে দিয়েছে অবকাশ ও প্রশস্ততা । এই প্রশস্ততা আল্লাহর রাসূল সাল্লাল্লাহু আলাইহি ওয়াসাল্লামের সুন্নাহতে স্পষ্টভাবে আছে ।

যেমন হযরত জাবের ইবনে আব্দুল্লাহ র: থেকে বর্ণিত ।

عن جابر بن عبد الله قال نحرنا مع رسول الله صلى الله عليه وسلم عام الحديبية البدنة عن سبعة والبقرة عن سبعة

জাবের বিন আব্দুল্লাহ হতে বর্ণিত, তিনি বলেন, ‘আমরা হুদায়বিয়ার সনে উট সাতজনের পক্ষ থেকে এবং গরুও সাত জনের পক্ষ থেকে কোরবানী করেছিলাম। (সহীহ মুসলিম হা- ২৩২২, আবুদাউদ হা- ২৮০৯, তিরমিযী হা- ১৪২২, ইবনু মাজাহ হা- ৩১৩২)

হযরত ইবনে মাসউদ রা. থেকে এক বর্ণনা পাওয়া যায়, হযরত আবু ইউসূফ র. ইমাম আবু হানীফার সূত্রে হযরত আব্দুল্লাহ ইবনে মাসউদ রাযি. এর বক্তব্য বর্ণনা করেছেন, তিনি বলেন, কুরবানীর ক্ষেত্রে একটি গরু সাতজন ব্যক্তির জন্য যথেষ্ট। [কিতাবুল আসার, পৃ. ৬২, হাদীস ৩০৮]।

এই আসারে মুকিম নাকী মুসাফির পার্থক্য না করেই সাতজন শরীক হবার কথা এসেছে। একটি গরুতে সাত শরীক হয়ে কুরবানী করা হাদিসে প্রমাণিত আছে।

فأمرنا رسول الله صلى الله عليه وسلم أن نشترك في الإبل والبقر، كل سبعة منا في جابرة راঃ বলেন আমরা রাসুলুল্লাহ সাঃ এর সাথে সফরে ছিলাম। যখন কুরবানীর সময় এল, তখন রাসুলুল্লাহ সাঃ আমাদের কে আদেশ করলেন যেন আমরা গরু ও উটে শরীকে কুরবানী করি। আমরা একটি গরু ও উটে সাত জন করে শরীক হয়েছিলাম। (সহিহ মুসলিম ৬/৪৭৪, হাদিস ২৩২৩, মুসনাদু আহমদ ২৮/১৫১, হাদিস ১৩৬০২)

অন্য বর্ণনায় আছে, নবী সাল্লাল্লাহু আলাইহি ওয়াসাল্লাম বলেন, (একটি) গরু সাতজনের পক্ষ থেকে এবং (একটি) উট সাতজনের পক্ষ হতে (কোরবানী করা যায়)। —(সুনানে আবু দাউদ ২/৩৮৮।)

উপরে উল্লেখিত হাদীস দ্বারা স্পষ্ট বোঝা যায় সুল্লাহর আলোকে শরীকানা বা ভাগে কুরবানী করা শরীয়ত সম্মত। এতে সন্দেহ করার কোনো অবকাশ নেয় বরং তা হাদিস অস্বীকার করার অন্তর্ভুক্ত।

শরীকানা কুরবানীর বিধি-বিধান

১. মাসআলা: ছাগল, ভেড়া ও দুগ্ধা এ তিন প্রকার পশু দ্বারা কেবল একজনের পক্ষ থেকে কুরবানী করা যায়। এ তিন প্রকার পশুতে শরীকী কুরবানী সহীহ হবে না। (সহীহুল বুখারী -৫৫৫৩, ফতোয়ায়ে শামী ৫/২০১ পৃষ্ঠা।)

২. মাসআলা: উট, গরু ও মহিষে সর্বোচ্চ সাতজন পর্যন্ত শরীক হতে পারবে। সাতের অধিক শরীক হলে, কারো কুরবানী সহীহ হবে না। তবে সাতের কম জোড় বা বিজোড় যে কোন সংখ্যক যেমন দুই, তিন, চার, পাঁচ ও ছয় শরীক হতে পারবে। (সুনানে আবু দাউদ ২৮০৮ হাদীস। সুনানে ইবনে মাজাহ ৩১৩২ হাদীস। ফতোয়ায়ে শামী ৫/২০০ পৃষ্ঠা। বাদায়েউস সানায়ে ৪/২০৭ পৃষ্ঠা।)

৩. মাসআলা: সাত ভাগে কুরবানী করলে সবার ভাগ সমান হতে হবে। কারো ভাগ এক সপ্তমাংশের কম হতে পারবে না। যেমন কারো আধা ভাগ কারো দেড় ভাগ এমন হলে কারো কুরবানী সহীহ হবে না। (খোলাসাতুল ফতোয়া ৪/৩১৫ পৃষ্ঠা। (আহসানুল ফতোয়া ৭/৫০৭ পৃষ্ঠা। বাদায়েউস সানায়ে ৪/২০৭ পৃষ্ঠা।)

৪. মাসআলা: শরীকী কুরবানী করলে, সকলের নিয়ত আল্লাহর সন্তুষ্টির জন্য হতে হবে। অন্যথায় যদি কোন শরীকের নিয়তে ত্রুটি থাকে, যেমন লোক দেখানো বা গোশত খাওয়া ইত্যাদি, তবে কারো কুরবানী সহীহ হবে না। তাই শরীক নির্বাচনের ক্ষেত্রে খুবই সতর্কতা অবলম্বন করা উচিত (সহীহুল বুখারী ৫৫৪৯ হাদীস। ফতোয়ায়ে কাযীখান ৩/৩৪৯ পৃষ্ঠা। বাদায়েউস সানায়ে ৪/২০৮ পৃষ্ঠা।)

৫. মাসআলা: কোন শরীকের পুরো বা অধিকাংশ উপার্জন যদি হারাম হয়, অথবা কেউ হারাম উপার্জন দ্বারা শরীক হয়, তাহলে কারো কুরবানী সহীহ হবে না। (ফতোয়ায়ে মাহমুদিয়া ২৬/৩০৮ পৃষ্ঠা। ফতোয়ায়ে ইক্কানিয়া ৬/৪৮১ পৃষ্ঠা। কিফয়াতুল মুফতী ৮/২০৫ পৃষ্ঠা।)

৬. মাসআলা: সুদখোর ও ঘুষখোরের সঙ্গে কুরবানী সহীহ হবে না। তবে সে যদি হালাল টাকা দিয়ে শরীক হয়, তবে কুরবানী সহীহ হবে। (ফতোয়ায়ে মাহমুদিয়া ২৬/৩০৮ পৃষ্ঠা। ফতোয়ায়ে ইক্কানিয়া ৬/৪৮১ পৃষ্ঠা। কিফয়াতুল মুফতী ৮/২০৫ পৃষ্ঠা।)

৭. **মাসআলা :** যদি কেউ গরু, মহিষ বা উট একা কুরবানী দেওয়ার নিয়্যতে কিনে আনে আর সে ধনী হয় তাহলে তার জন্য এ পশুতে অন্যকে শরিক করা জায়েজ হলেও শরিক না করে একা কুরবানী করাই শ্রেয়। শরিক করলে ওই অংশের টাকা সদকা করে দেওয়া উত্তম। আর যদি ওই ব্যক্তি গরিব হয়, যার ওপর কোরবানি করা ওয়াজিব নয়, তাহলে যেহেতু কুরবানীর নিয়্যতে পশুটি ক্রয় করার মাধ্যমে লোকটি তার পুরোটাই আল্লাহর জন্য নির্ধারণ করে নিয়েছে, তাই তার জন্য এ পশুতে অন্যকে শরীক করা জায়েজ নয়। যদি শরিক করে তবে ওই টাকা সদকা করে দেওয়া জরুরি। গরিব ব্যক্তি কুরবানীর পশুতে কাউকে শরিক করতে চাইলে পশু ক্রয়ের সময়ই নিয়্যত করে নিতে হবে। (হেদায়া ৪/৪৪৩, কাযীখান ৩/৩৫০-৩৫১)

৮. **মাসআলাঃ** কুরবানীর পশু জবেহ করার পর কাউকে অংশীদার শরীক করা জায়েয হবে না। যদি করে তবে কারো কুরবানী সহীহ হবে না। (ফতোয়ায়ে মাহমুদিয়া ৪/৩০৯ পৃষ্ঠা। বাদায়েউস সানায়ে ৪/২১০ পৃষ্ঠা।)

৯. **মাসআলাঃ** কুরবানীর পূর্বে কোন শরীকের মৃত্যু হলে তার ওয়ারিসরা যদি মৃতের পক্ষ থেকে কুরবানীর অনুমতি দেয়, তবে জায়েয হবে। অন্যথায় ঐ শরীকের টাকা ফেরত দিতে হবে। তবে এক্ষেত্রে তার স্থলে অন্য কাউকেও শরীক করতে পারবে। (ফতোয়ায়ে কাযীখান ৩/৩৫১ পৃষ্ঠা। বাদায়েউস সানায়ে ৪/২০৯ পৃষ্ঠা)

১০ **মাসআলাঃ** কুরবানীর পশুতে অন্য নিয়তে যারা শরীক হতে পারবে।

১। আকীকার নিয়তে।

২। মামত।

৩। হজ্জের কুরবানীর নিয়তে।

এছাড়া অন্য কোন নিয়তে কুরবানীর পশুতে শরীক হওয়া জায়েয হবেনা। (আহসানুল ফতোয়া ৭/৫৩৬ পৃষ্ঠা। ফতোয়ায়ে রহমানিয়া ১/৪৯৭ পৃষ্ঠা। ফতোয়ায়ে ইউনুছিয়া ২/৫৪৩ পৃষ্ঠা।)

১১. **মাসআলা :** শরিকে কোরবানি করলে ওজন করে গোশত বণ্টন করতে হবে। অনুমান করে ভাগ করা জায়েজ নেই। (আদুররুল মুখতার ৬/৩১৭, কাযীখান ৩/৩৫১)

পশু জবাইয়ের সুন্নাত পদ্ধতি:

পশু জবাইয়ের সময় সুন্নাতের অনুসরণে জবাই করাই উত্তম। তাহলো-

১. পশু জবেহ করার সময় 'بِسْمِ اللَّهِ:বিসমিল্লাহ' বলে জবেহ করা। অর্থাৎ বিসমিল্লাহ বলেই ছুরি চালানো শুরু করা। আল্লাহ ছাড়া অন্য কারো নামে যেন পশু জবেহ করা না হয় সে বিষয়টি খেয়াল রাখা।

২. পশু জবেহ করার সময় একটি বিষয় খেয়াল রাখতে হবে যে, পশুর খাদ্যনালী, শ্বাসনালী আর দুই পাশে থাকা দুটি নালী কেটে দেয়া। এ নালীগুলো কাটা হয়ে গেলেই পশু জবেহ বিশুদ্ধ হয়ে যায়।

৩. পশু জবেহ করার জন্য ছুরি ভালোভাবে ধার দিয়ে নিতে হবে। যাতে জবেহ করার সময় পশুর কষ্ট না হয়। অনেকে একটি ছুরি দিয়ে একাধিক পশু কুরবানি করে থাকেন। সেক্ষেত্রে শেষ দিকে ছুরির ধার কমে যায়। তাই ছুরিতে ধার দিয়ে নেওয়া উত্তম। হাদিসে এসেছে-

'রাসুলুল্লাহ সাল্লাল্লাহু আলাইহি ওয়া সাল্লাম বলেছেন, 'পশু জবেহ করার আগে ছুরি-চাকুতে ভালোভাবে ধার দিয়ে নেয়া।' (মুসলিম)

৪. একটি পশুর সামনে অন্য পশুর জবেহ না করা। পশুর সামনে ছুরি-চাকুতে ধার না দেওয়া। এতে পশু ভয় পেয়ে যায়। এটি পশুকে কষ্ট দেওয়ারও শামিল।

৫. কুরবানি করার সময় পশুকে পশুর বাম কাতে শোয়ানো। সে সময় পশুর পাগুলো পশ্চিম দিকে থাকবে।

৬. পশু জবাইয়ের দোয়া: কুরবানির পশু জবেহ করার জন্য শোয়ানোর পর দোয়া পড়া। দোয়াটি হাদিসের বিভিন্ন বর্ণনায় এসেছে। যদিও অনেকে দোয়াটির সনদের ব্যাপারে মতপার্থক্য করেছেন। তবে এ দোয়াগুলো পড়ে কুরবানি করা উত্তম। তবে কেউ শুধু বিসমিল্লাহ বলে নালীগুলো কেটে দিলেই কুরবানি শুদ্ধ হয়ে যাবে। দোয়াটি হলো

إِنِّي وَجَّهْتُ وَجْهِيَ لِلَّذِي فَطَرَ السَّمَوَاتِ وَالْأَرْضَ حَنِيفًا، وَمَا أَنَا مِنَ الْمُشْرِكِينَ، إِنَّ صَلَاتِي وَنُسُكِي وَمَحْيَايَ وَمَمَاتِي لِلَّهِ رَبِّ الْعَالَمِينَ لَا شَرِيكَ لَهُ، وَبِذَلِكَ أُمِرْتُ وَأَنَا مِنَ الْمُسْلِمِينَ، اللَّهُمَّ مِنْكَ وَلَكَ

(আবু দাউদ: ২৭৯৫)

৭. যদি কেউ এ দোয়াটি না পারেন তবে ছোট্ট এ অংশটুকু পড়বেন-

بِسْمِ اللَّهِ اللَّهُ أَكْبَرُ - اللَّهُمَّ مِنْكَ وَلَكَ

৮. নিজের পশু নিজে কুরবানি করলে পশু জবেহ করার পর এ দোয়া পড়া-

اللَّهُمَّ تَقَبَّلْ لَهُ مِنِّي كَمَا تَقَبَّلْتَ مِنْ حَبِيبِكَ مُحَمَّدٍ وَخَلِيلِكَ إِبْرَاهِيمَ

৯. অন্য কেউ কুরবানি বা অন্য কারো কুরবানি করলে এ দোয়া পড়া-

اللَّهُمَّ تَقَبَّلْ لَهُ مِنْكَ-مِنْكُمْ كَمَا تَقَبَّلْتَ مِنْ حَبِيبِكَ مُحَمَّدٍ وَخَلِيلِكَ إِبْرَاهِيمَ

উল্লেখ্য, যদি কেউ একাকি কুরবানি দেয় এবং নিজে জবাই করে তবে বলবে মিন্নি; আর অন্যের কুরবানির পশু জবাই করার সময় ‘মিনকা-মিনকুম’ বলে যারা কুরবানি আদায় করছে তাদের নাম বলা।